



REPUBLIKA E SHQIPËRISË  
KOMISIONERI PËR TË DREJTËN E INFORMIMIT DHE MBROJTJEN E TË  
DHËNAVE PERSONALE

Nr. 383/4 Prot

Tiranë, më 13.5.2016

VENDIM

Nr. 24, datë 13.5.2016

Në mbështetje të neneve 29, 30 dhe 32 të Ligjit Nr. 9887, datë 10.03.2008, "Për Mbrojtjen e të Dhënave Personale" i ndryshuar, Ligjit Nr. 8485, datë 12.05.1999, "Kodi i Procedurave Administrative të Republikës së Shqipërisë" i ndryshuar, si dhe provave të administruara në ngarkim të kontrolluesit Spitali Universitar i Traumës Tiranë, me aktivitetin e tij në formën ligjore person juridik,

VËREJ SE :

Në zbatim të Urdhrit Nr.73, datë 18.03.2016 të Komisionerit për të Drejtën e Informimit dhe Mbrojtjen e të Dhënave Personale për kryerjen e hetimit administrativ, më datë 13.04.2016 e në vazhdim, pranë kontrolluesit si më lart cituar filloi procedura e hetimit administrativ, me objekt kontrolli:

- Zbatimi nga ana e kontrolluesit Spitali Universitar i Traumës Tiranë, i Ligjit Nr.9887, datë 10.03.2008, "Për Mbrojtjen e të Dhënave Personale" i ndryshuar, dhe akteve të miratuara nga Komisioneri gjatë kryerjes së aktivitetit të tij, në lidhje me masat për sigurinë e të dhënave personale, në zbatim të nenit 27 të ligjit.

Nga hetimi administrativ i kryer pranë këtij kontrolluesi, nga grupi i inspektimit është konstatuar:

1. Kontrolluesi nuk ka parashikuar në kontratën me punëmarrësit, Deklaratën e Konfidencialitetit, sipas Vendimit Nr.6 datë 05.08.2013, ku shifra e punëmarrësve të kontrolluesit që aksesojnë të dhëna personale në forma të ndryshme, është i konsiderueshëm. Nga verifikimi që ju bë dosjeve të punëmarrësve ( mjek dhe infermier), nuk rezultonte asnjë aneks kontratë.
2. Në marrëdhëniet kontraktuale me të tretët- përpunuesit, kontrolluesi nuk ka parashikuar aneks kontratën sipas Udhëzimit Nr.19 datë 03.08.2012, por është mjaftuar me shkresën nr.274/1 prot., datë 31.03.2016, ku kontrolluesi S.U.T., orienton në parim palën e tretë "Lura Security" sh.p.k. të zbatojë Ligjin Nr.9887, datë 10.3.2008, "Për mbrojtjen e të dhënave personale", i ndryshuar. Kjo është një masë e marrë nga kontrolluesi, por mbetet

e pamjaftueshme, pasi aneks kontrata sipas standartit të Udhëzimit 19, parashikon të drejtat dhe detyrimet e palëve, duke i formalizuar këto të fundit dhe duke i kthyer ato në efektive.

**Faktet e mësipërme, përbëjnë shkelje administrative të neneve 20, 28 si dhe akteve të Komisionerit, Vendimit Nr.6, datë 05.08.2013 dhe Udhëzimit Nr.19 datë 03.08.2012 të tij.**

**Në cilësinë provës materiale, këtij procesverbali i bashkëngjiten këto dokumente:**

- a-Kontratë me punëmarrësin
- b- Kontratë shërbimi
- c-Rregullore bazë e funksionimit të S.U.T-së
- d-Pamje nga ambjentet e kontrolluesit.
- e-Korrespondencë e kontrolluesit me përpunuesin "Lura Security" sh.p.k., nr.274/1 prot., datë 31.03.2016.
- f-Rregullore për mbrojtjen e të dhënave personale (në proces miratimi nga Zyra e Komisionerit, dërguar pranë tij, në datë 25.03.2016).

Në datë 22.04.2016, u mbajt proces verbali i konstatimit të shkeljeve për kontrolluesin S.U.T., Tiranë, ndërmjet grupit të inspektimit dhe përfaqësuesit të kontrolluesit.

Në përfundim të hetimit administrativ u mbajt procesverbali për konstatimet e gjetura nga ana e grupit të inspektimit, ndërsa përfaqësuesit e kontrolluesit parashtruan pretendimin: *"Si pasojë e mbingarkesës në punë, personeli i S.U.T., nuk ka mundur të plotësojë detyrimet ligjore. Kërkojmë nga ana juaj të na jepet 1 ditë afat kohor për realizimin e mangësive të konstatuara."*

Në datë 25.04.2016, kontrolluesi Spitali Universitar i Traumës Tiranë, me shkresën Nr.373 prot., informon Zyrën e Komisionerit se i ka përmbyshur konstatimet e dala nga proces verbali i datës 22.04.2016 të grupit të inspektimit.

Në zbatim të neneve 93-96 të Ligjit Nr.8485, datë 12.05.1999, *"Kodi i Procedurave Administrative të Republikës së Shqipërisë"* i ndryshuar, përpara marrjes së vendimit përfundimtar në respektim të së drejtës për t'u dëgjuar, në datë 09.05.2016, është organizuar seanca dëgjimore me përfaqësuesit e kontrolluesit, të cilët u shprehën se shkeljet e konstatuara nga grupi i inspektimit administrativ ishin rikuperuar. Pretendime nuk u ngritën por u kërkuar të kihet parasysh nga Komisioneri, fakti i reagimit të menjëhershëm në përmbyshjen e detyrimeve të Ligjit Nr.9887, datë 10.03.2008, *"Për mbrojtjen e të dhënave personale"* i ndryshuar.

Konstatimet e gjetura konsiderohen në shkelje dhe mosrespektim të kushteve dhe kriterëve që parashikon Ligji Nr.9887, datë 10.03.2008, *"Për Mbrojtjen e të Dhënave Personale"* i ndryshuar, duke patur parasysh faktin që, kontrolluesi e njeh ligjin dhe ka një periudhë të gjatë kohore që operon në mënyrë të paligjshme në përpunimin e të dhënave personale subjekteve të të dhënave, kryesisht pacientë.

Si përfundim, shkelja e konstatuar gjatë hetimit administrativ në kuptim të nenit 39/1, gërma "dh" të Ligjit Nr.9887, datë 10.03.2008 *"Për Mbrojtjen e të Dhënave Personale"* i ndryshuar, përbën kundërvajtje administrative dhe sanksionohet me gjobë, si më poshtë:

**dh) kontrolluesit ose përpunuesit, që nuk marrin masat e sigurisë së të dhënave dhe nuk zbatojnë detyrimin për ruajtjen e konfidencialitetit, të përcaktuara përkatësisht në nenet 27 dhe 28 të këtij ligji, dënohen me nga 10 000 deri në 150 000 lekë.**

Kontrolluesi, Spitali Universitar i Traumës Tiranë, në formën ligjore të aktivitetit të tij është person juridik dhe, sipas nenit 39/2 për kundërvajtjet e mësipërme, dënohet me dyfishin e gjobës së përcaktuar në pikën 1 të këtij neni.

Për zgjedhjen e masës së gjobës, zyra e Komisionerit ka parasysh faktin se shkeljet e konstatuara janë serioze, ato lidhen me sigurinë e të dhënave personale të pacientëve, si një e drejtë parësore e tyre dhe në zbatim të ligjit e parimeve bazë të mbrojtjes së të dhënave personale.

Komisioneri gjithashtu, ka parasysh faktin që kontrolluesi, ka bashkëpunuar dhe reaguar në rikuperimin e shkeljeve të konstatuara.

#### **PËR KËTO ARSYE:**

Në zbatim të neneve 20, 28, 30, 31, 39/1, 39/2, gërma "dh" si dhe neneve 40 dhe 41 të Ligjit Nr. 9887, datë 10.03.2008 "Për Mbrojtjen e të Dhënave Personale" i ndryshuar,

#### **V E N D O S A :**

1. Dënimin e kontrolluesit, Spitali Universitar i Traumës Tiranë, me gjobë, në vlerën **100 000 (njëqind mijë) lekë** për shkelje të detyrimit të përcaktuar në nenin 28 të Ligjit Nr.9887, datë 10.03.2008 "Për Mbrojtjen e të Dhënave Personale" i ndryshuar.
2. Kontrolluesi, Spitali Universitar i Traumës Tiranë, të realizojë pajisjen e kontratave të punëmarrësve me Deklaratat e Konfidencialitetit sipas Vendimit Nr.6, datë 05.08.2013, brenda një periudhe prej 30 ditësh.
3. Gjoha arkëtohet nga kundërvajtësi në Buxhetin e Shtetit, jo më vonë se 30 (tridhjetë) ditë nga komunikimi i këtij vendimi. Me kalimin e afatit të ankimit, ky vendim kthehet në titull ekzekutiv dhe ekzekutohet në mënyrë të detyrueshme nga zyra e përmbarimit.
4. Kundër këtij vendimi mund të bëhet ankim në Gjykatën Administrative të Shkallës së Parë, Tiranë, brenda 30 (tridhjetë) ditëve nga komunikimi i këtij vendimi.

Ky vendim u shpall sot në, 13.5 .2016

**Besnik DERVISHI**  
  
**KOMISIONERI**  
